

四庫全書

集部

欽定四庫全書

集部

文苑英華卷三百

四十六至  
五十一

詳校官庶吉士臣柳邊祖

助教臣常循覆勘

總校官進士臣朱鈺

校對官中書臣金光悌

謄錄監生臣陳秉寧

欽定四庫全書

文苑英華卷三百四十六

宋 李昉等 編

愁怨

怨四首

棄婦一首

苦婦一首

綠珠篇一首

飛鷺篇一首

春女歌一首

靜女歌一首

情人玉清歌一首

盧姬篇一首

茁草春一首

鄭櫻桃歌一首

絕纓歌一首

李夫人一首

鄭姬歌一首

長恨歌一首

姬人怨

江總

天寒海水慣相知空床明月不相宜庭中芳桂憔悴葉  
井上踈桐零落枝寒燈作花羞夜短霜鴈多情恒結伴  
非為隴水望秦川真置

前篇  
作至

思君腸自斷

姬人怨服散篇

薄命夫婿好神仙避

類聚作逆

愁高飛向紫煙金丹欲成猶

百鍊玉酒新熟幾千年妾家邯鄲念

類聚作好

輕薄時逢

類聚

作時

仙童一丸藥自悲行處綠苔生何悟啼

前篇作不悟悌

多

紅粉落莫輕年少

類聚作小婦

狎春風羅襪也知

類聚作得

步河

宮雲車欲駕應相

前篇作宜

待羽衣未去幸須

前篇作華胥

同不

學蕭史還樓上會逐

前篇作與

姮娥戲月中

此卷英華二百五十六卷與此卷皆重出前已削

去其江總姬人怨二詩本集及藝文類聚共是一

篇今題目既有增減當以英華為正分為二首

閨怨篇

前人

寂寂青樓大道邊紛紛白雪綺窻前池上鴛鴦不獨自  
帳中蘇合還空然屏風有意障明月燈火無情照獨眠  
遼西水凍春應少薊北鴻來路幾千願君關山及早度  
念妾桃李片時妍

後庭怨

王諶

君不見紅閨少女端正時天天桃李仙容姿幸得君王

憐巧笑披香殿裏薦蛾眉蛾眉雙雙人共進常恐妾身

從此擯甄妃

一作后

為妬出層宮班女因猜下長信長信

宮門閉不開昭陽歌吹風送來夢中魂魄猶言是覺後

精神尚未迴念君嬌愛無終始使妾長啼後庭

一作宮裏

獨立每省斜日盡一坐直至孤燈死秋日聞蟲翡翠簾

春晴照面鴛鴦水紅顏舊來花不勝白髮如今雪相似

傳聞紈扇思

一作思

未歇預想蛾眉上初月如君貴偽不

貴真還同棄妾逐新人借問南山松葉意何如此砌槿

花新

棄婦詞

前人

古人雖棄婦棄婦有歸處今日妾辭君辭君欲何去本  
家零落盡慟哭來時路憶昔未嫁君聞君甚周旋及與  
同一作君結髮值君適幽燕孤魂託飛鳥两眼如流泉流

泉咽不燥萬里關山道及至見君歸君歸妾已老物情  
棄衰賤新寵方妍好拭淚出故房傷心劇秋草妾已顛

頰指

一作稅

羞將舊

一作故

物還餘生欲有寄誰肯相留連



空床對虛牖不覺塵埃厚寒水落芙蓉秋風墮

一作揚

柳記得初嫁君小姑始扶床今日君棄妾小姑如妾長

### 迴頭語小姑莫嫁似兄夫

右棄婦辭李白集中亦有之比顧况甚詳未知竟誰  
作今註於後古來有棄婦棄婦有歸處今日妾辭君  
辭君遣何去本家零落盡慟哭來時路憶昔未嫁君  
聞君却周旋綺羅錦繡段有贈黃金十五許嫁君  
二十移所天自從結髮日未幾離君緬山川家家盡  
歡喜孤妾長自憐幽閨多怨思盛色無十年相思若  
循環枕席生淚泉流泉咽不噪獨亭闌上道及此見  
君歸君歸妾已老物華憑衰賤新寵方妍好掩淚出  
故房傷心劇秋草自妾為君妻君東妾在西羅幃到  
曉恨玉貌一生啼自從離別久不覺塵埃厚常嫌瑋

瑁孤猶美鴛鴦偶歲華逐霜霞賤妾何能久寒沼落  
芙蓉秋風散揚柳以此顛顛顏顏空持舊物還餘生欲  
何寄誰肯相攀牽君恩既斷絕相見何年月悔傾連  
理杯虛作同心結女蘿附青松貴欲相依投浮萍失  
綠水教作若為流不歎君棄妾自嘆妾緣薄憶昔初  
嫁君小姑繞倚床今日妾辭君小姑如妾長迴頭語  
小姑莫嫁  
如兄夫

苦婦詞

劉言史

地遠易驕崇用刑匪精研哀哉苦婦身夫死百殃纏草  
草催出門衣墮髮披肩獨隨軍吏行當夕余一作途欲遷

來時已狀生

一作坐

到此自不全臨江卧黃砂二子死在

邊氣噦不發聲背頭血涓涓有時強為言祇是尤青天  
藁蓐無一枝冷氣兩懸懸窮荒夷教卑骨肉病棄捐况  
非本族姻肌露誰為憐事痛感行賓住得貪程船必當  
負嚴法豈有胎孕篇遊畋復釋麇羔兔尚免鷓何處擯  
逐深一罪三見顛校尉勲望崇幕府才且賢蘭裙間珠  
履食玉處花筵但勿輕所睹莫慮無人焉

綠珠篇

喬知之

石家金谷重新聲明珠十一

一作萬

斛買娉婷此

一作昔

日可

憐君自許此時可喜得人情君家閨閣未曾難常將歌  
舞借人看意氣雄豪非是許一作分理嬌矜一作奢勢力橫相  
干辭君去去終未忍徒勞掩袂傷鉛粉百年離別在高  
樓一代紅顏為君盡

飛鷺篇

王翰

孝成皇帝為嬌奢行幸平陽公主家可憐女兒三五許

一作年三五

丰茸惜一作借

一作借

是一園花歌舞來時由不貴一旦

逢君感君意君心見賞不見忘姊妹雙飛入紫房采女

不得見專榮固寵昭陽殿紅粧寶鏡珊瑚臺青鎖銀簧  
雲母扇日夕風傳歌舞聲只擾長信憂人情長憂人氣  
欲絕君王歌吹終不歇朝弄瓊簫下綠雲夜踏金梯上  
明月月下薄蝕陽精昏嬌妬傾人惑至尊已在白虹橫  
紫極復開飛鷺咏王孫王孫

漢書作  
皇孫

不死鷺咏折女弟

一朝如火絕明明天子咸戒之赫赫宗周褒姒滅古來  
賢聖歎狐裘一國荒淫萬國羞安得尚方斷馬劍斬取

木門公子頭

春女歌

郭茂倩樂府作春女行

前人

紫臺穹跨連綠波紅軒鈴匝垂織羅中有一人名一作金

作面隔幌玲瓏遙可見忽聞黃鳥鳴且悲鏡邊含笑着

春衣羅袖嬋娟似無力行拾落花比容色落花一度無

再春人生作樂湏及辰君不見楚王臺上紅顏子今日

皆成孤兔塵

靜女歌

張南容

靜女樂於靜動合古人則妙年工詩書弱歲勤組織端

居愁若癡

一作愁麻禮  
又作似愁癡

誰復理容色十五坐幽閨四隣

不相識天天隣家子百花

一作家

裝首飾日日淇上游笑

人不踰閩河水自濁濟自清仙臺蛾眉秦鏡明為照齊  
王門下醜何如漢帝掌中輕

情人玉清歌

張南容

郭茂倩樂府作果耀

洛陽城中有一人名玉清可憐玉清如其名善踏斜柯  
能獨立嬋娟花艷無人及珠為裙玉為纓臨春風吹玉

笙悠悠滿天星黃

樂府作萬

金閣上曉粧成雲和曲中為曼

慢一作聲玉梯不得踏  
搖袂兩盈盈  
城頭之日復何情

盧姬篇

崔顥

盧姬少年魏王家  
綠鬢紅脣桃李花  
魏王綺樓十二重  
水精簾箔繡芙蓉  
白玉欄杆金作柱  
樓上朝朝學歌舞  
前堂後堂羅袖人  
南牕北牕花發青  
翠幌珠簾闕絲管  
一奏一彈雲欲斷  
君王日晚下朝歸  
鳴環珮玉生光輝  
人生今日得嬌貴  
誰道盧姬身細微

菖草春

并序

顧况



隴西李迅者別宅監奴為刺史配嫁監奴投井而死因

作菼草春

麗情集作隴西李迅者納別宅監奴出不喜  
迅欲訪故人為刺史強而配焉既歸而不合

監奴投井而死因作

菼草春歌以悲之

菼草春香容與江南艷歌京

一作涼

西舞執心輕子都信

節冠秋胡議以腰支嫁時論自有夫蟬鬢蛾眉明

一作洞

井底燕裙

一作下

趙袂

一作趙帶又作趙帶

縈轆轤李生聞之淚如

綆不忍迴頭看此井月中桂樹落一枝池上鷓鴣唳孤

影露桃穠李自

一作日

成蹊溪

一作流

水終天不向西翠帳

綠窻寒寂寂錦茵羅薦夜淒淒  
葉草春丹井遠別後相思意深淺

鄭櫻桃歌

李

頤見郭茂  
倩樂府

石季龍僭天祿擅雄豪美人姓鄭名櫻桃  
美顏香且澤娥娥侍寢專宮掖  
後庭卷衣三萬人翠眉清鏡不得親  
官軍女騎一千疋繁花照耀漳河春  
織成花映紅綸巾

載記季龍以女騎一千為茵簿皆著紫綸巾五文織成鞞

紅旗掣曳茵簿新鳴鼙走

馬接飛鳥銅鈇琴瑟隨去塵鳳陽重門如意館百尺金

梯倚銀漢自言富貴不可量女為公主男為王赤花雙  
簾珊瑚床盤龍斗帳琥珀光淫昏偽位神所惡滅石者  
陵終不誤鄴城蒼蒼白露微世事翻覆黃雲飛

絕纓歌

前人

楚王宴客章華臺章華美人善歌舞玉顏艷艷空相向  
滿堂莫逆不得語紅燭滅芳酒闌羅衣半醉春夜寒絕  
纓解帶一為歡君王捨一作過不之罪暗中珠翠鳴珊

珊始愛賢不愛色青娥買死誰能識果却三軍全社稷

李夫人

李賀

紫皇宮殿重重開，夫人飛入瓊瑤臺。綠香繡帳何時歇。

青雲無光宮水咽，翩翾桂花逐。

一作墮

秋月孤鸞晚

一作某

鷲啼商絃

集作綠

發空

集作紅

壁闌珊懸珮璫，歌臺小妓遙。

相望玉蟾滴水雞人唱，露華蘭葉參差光。

許公子鄭姬歌

鄭園中請賀作

前人

許史世家外親貴，宮錦千端買。沉醉銅駝酒，熟烘明膠。

古堤大柳煙中翠，桂開客

某作精聞客

花名鄭袖入洛聞香。

鼎門口先將芍藥獻粧臺復醉

集作後解

黃金大如斗莫愁

簾中許

一作有

合歡清絃十五為君彈彈聲咽春弄君骨

骨興牽人上馬鞍兩馬八蹄踏蘭苑情如合竹誰能見

夜光玉枕棲鳳凰袷羅當門刺純綫長翻

一作糊

蜀紙卷

明君轉角含商破碧雲自從小靨來東道曲裏長眉少

見人相如塚上生秋栢三秦誰是言情客蛾眉

一作髮又作鬢

醉眼拜諸宗為謁皇孫請曹植

### 長恨歌

白居易

漢王重色思傾國御宇多年求不得楊家有女初長成

養在深閨人未識天生麗質難自棄一朝選在君王側

迴頭一笑百媚生六宮粉黛無顏色春寒賜浴華清池

溫泉水滑洗凝脂侍兒扶起嬌無力始是新承恩澤時

雲鬢花冠

某作類

金步搖芙蓉帳裏暖

一作度

春宵春宵苦

短日高起從此君王不早朝承歡侍寢

一作宴

無容

一作閑

暇春從春遊夜專夜後

一作漢

宮佳麗三千人三千寵愛

在一身金屋粧成嬌侍夜玉樓宴罷醉和春姊妹弟兄

皆列土可憐光彩生門戶遂令天下父母心不重生男

重生女驪宮高處入青雲仙樂風飄處處聞緩歌慢舞

凝絲竹盡日君王聽

某作  
者

不足漁陽鞞鼓動地來驚破

霓裳羽衣曲九重城闕煙塵生千乘萬騎西南行翠華

搖搖行復止西出都門百餘里六軍不發知一作無奈何

宛轉蛾眉馬前死花鈿委地無人收翠翹金雀玉搔頭

君王掩面救不得迴看血淚相和流黃埃散漫風蕭索

雲橫紫迴登劔閣蛾眉山上

川文粹  
作下

少行人旌旗無光

日色薄蜀江水碧蜀山青  
聖主朝朝暮暮情  
行宮見月傷心色  
夜雨聞鈴腸斷聲  
天旋地轉迴龍馭  
到此躊躇不能去  
馬嵬坡下塵

一作泥

土中不見玉顏空  
死處君臣

相顧盡沾衣  
東望都門信馬歸  
歸來池苑皆依舊  
太液芙蓉未央柳  
芙蓉如面柳如眉  
對此如何不淚垂  
春風

桃李花開日

一作夜

秋雨梧桐葉落時  
西宮南內

一作苑

多

秋草落葉

一作夜

滿階紅不掃  
梨園弟子白髮新  
椒房阿

監青娥老夕殿  
螢飛思悄然  
秋

一作孤

燈挑盡未成  
眠遲



遲鐘漏初長夜耿耿星河欲曙天鴛鴦瓦冷霜華重舊

枕故衾

集翡翠作衾寒

誰與共悠悠生死別經年魂魄不曾來

入夢臨卣方

一作道

士鴻都客能以精神致魂魄為感君

王展轉思

一作思

遂教方士慙慙覓排空

集作雲

馭氣奔如

電昇天入地求之遍上窮碧落下黃泉兩處茫茫皆不

見忽聞海上有仙山山在虛無縹渺間樓殿

一作閣

玲瓏

五雲起其間綽約多仙子中有一人名玉妃

川文粹作字玉真一

作字太真雪膚花貌參差是金闕兩

集作西

廂叩玉扃轉教小

玉報雙成聞道漢家天子使九華帳下夢中一作驚攬

衣推枕起徘徊珠箔銀鈎一作迤邐開雲髻半偏新睡

覺花冠不整下堂來風吹仙袂飄飄一作舉猶似霓裳

羽衣舞玉容寂寞淚闌干梨花一枝春帶雨含情凝睇

謝君王一別音容兩渺茫昭陽殿裏恩愛絕蓬萊宮中

日月長迴頭下問集作人寰處不見長安見塵霧空持

一作舊物表深情鈿合金釵寄將去釵留一股合一扇

釵擘黃金合分鈿但教一作心似金鈿堅天上人間會

相見臨別慙慙重寄詞詞中有誓兩心知七月七日長

生殿夜半

一作  
半夜

無人私語時在天願為

一作

比翼鳥在

地願為連理枝天長地久有時盡此恨綿綿無盡

集作  
絕

期

文苑英華卷三百四十六

欽定四庫全書

文苑英華卷三百四十七 宋 李昉等 編

服用

鏡五首

釵六首

刀子三首

屏二首

枕二首

靈臺家兄古鏡歌

薛逢

一尺圓潭深墨色篆文如絲人不識耕夫云住赫連城

赫連城下親耕得鏡上磨瑩一月餘日中漸見菱花舒  
金膏洗拭銚澁盡黑雲吐出新蟾蜍人言此是千年物  
百鬼聞之形暗慄玉匣曾經龍照來豈宜更鑿農夫質  
有時霹靂半夜驚窓中飛電如晦明盤龍鱗脹玉匣溢  
牙爪觸風時有聲耕夫不解珍靈異翻懼赫連神作祟  
十千賣與靈臺兄百丈靈湫坐中至溢匣水色如玉傾  
兒童不敢窺泓澄寒光照人近不得坐愁雷電湫中生  
吾兄吾兄須愛惜將來慎勿虛拋擲興雲致雨會有時

莫遣紅粧穢靈跡

百鍊鏡

白居易

百鍊鏡

一本疊此三字

鎔範非常規日辰置處靈且寄

集作處所靈且

非祇

江心波上舟中鑄五月五日日午時瓊粉金膏磨瑩

已化為一片秋潭水鏡成將獻蓬萊宮揚州長史手自

封人間臣妾不敢照背有九五飛天龍人人呼為天子

鏡我有一言聞太宗太宗常以人為鏡鑒

集作覽

古鑒今

不鑒容四海安危居掌內百王理亂懸心中乃知天子

別有鏡不是揚州百鍊銅

摩鏡篇

劉禹錫

沆塵翳明鏡歲久者如漆門前負局生為我一摩拂萍  
開綠池滿暈盡金波溢白日照空心圓光走幽室山神  
妖氣沮野獸集作真形出却思未摩時瓦礫來唐突

昏鏡詞

前人

鏡之工列十鏡于賈奩發奩而視其一皎如其九霧如  
或曰良苦之不侔甚矣工解頤謝曰非不能盡良也蓋



賈之意唯售是念今夫來市者必歷鑒某作覽周睽求與  
已宜彼皎者不能隱芒杪之瑕非美容不合是用什一  
其數也余感之作昏鏡之詞詞曰

昏鏡非美金漠然喪其晶陋容多自欺謂若他鏡明瑕  
疵既不見妍態隨意生一日四五照自言美傾城飭帶  
以紋繡裝匣以瓊瑛秦宮豈不重非適乃為輕

古鏡篇

陳陶一作  
濤

紫皇玉鏡蟾蜍字墮地千年光不死發匣身沉古井寒

懸臺日照愁成水海戶山窓幾梳縮菱花開落何人見  
野老曾耕疑太白星辰孤夜哭秋天片下國青銅旋磨  
滅迴鸞萬影成枯骨會待搏風雨沉寥長恐莓苔蝕明  
月

寶劍篇

李嶠

吳山開越溪澗三金合冶成寶鏹淬綠水鑿紅雲五采  
敝起光氛氳背上銘為萬年字曾中點作七星文龜甲  
參差白蛇色轆轤宛轉黃金飾文犀中斷寧方利駿馬

羣騑未擬直風霜凜凜匣上清精氣遙遙斗間明避災  
朝穿晉帝屋逃亂夜入楚王城一朝運偶逢大僊虎吼  
龍鳴騰上天東皇提昇紫微座西王佩下赤城田承平  
久息干戈事僥倖得充文武備除災辟患宜君王益壽  
延齡後天地

古劍歌

郭元振

君不見昆吾鐵冶飛炎煙紅光紫氣俱赫然良工鍛鍊

經

大粹  
作凡

幾年鑄得寶劍名龍泉龍泉顏色如霜雪良工

容嗟歎竒絕瑠璃玉匣吐蓮花錯鏤金環生明月正逢  
天下無風塵幸得周防君子身精光黯黯青蛇色文章  
片片綠龜鱗非直結交游俠子亦常文粹  
作魯親近英雄人  
何言中路遭棄捐零落漂淪古獄邊雖復沉埋無所用  
猶能夜夜氣衝天

仗劍行

萬齊融

昨夜星宮動紫微今年天子用武威登車一呼風雷動  
遙振陰山撼巍巍胡驕子當見旄頭蝕應死願騎單馬

仗天威接取長繩縛虜歸  
仗劍遙叱路傍子  
匈奴頭血  
濺君衣

春坊正字劄子歌

李賀

先輩匣中三尺水  
曾入吳江

集作潭

斬龍子  
隙月斜明刮

露寒練帶平鋪吹不起  
蛟螭老皮

集作蛟胎皮老

蒺藜刺鷓鴣

淬花白鷗尾真

集作直

是荆軻一片心  
莫教

一作分明

照見春

坊字按絲團金懸  
麗穀神光欲截藍  
田玉提出西方白

帝驚嗷嗷鬼姥

集作母

秋郊哭

鷓九劍

白居易

歐冶子死十年後精靈暗授張鷓九鷓九鑄劍吳山中

天與日時神借功金鐵騰光

某作精

火翻焰踊躍求為莫

耶劍劍成未試十餘年有客持金買一觀誰知閉匣長

思用三尺青蛇不肯蟠客有心兮劍無口客代劍言報

集作告

鷓九君勿矜我玉可切君勿誇我鍾可刺不如持

我決浮雲無令漫漫蔽白日為君使無私之光及萬物

蟄蟲昭蘇萌芽出

古劍行

韋應物

千年土中兩刃鐵，土蝕不入金星滅。  
沉沉青劍鱗甲滿，蛟龍無足蛇尾斷。  
忽欲動時中有靈，豪士得之敵國寶。  
仇家有集作舉意，半夜鳴小兒女子不敢。  
集作可近龍蛇變，化此中隱。夏雲奔走雷闐闐，恐成霹靂飛上天。

難縮刀子歌

盧綸

黃金鞘裏青蘆葉，麗若剪成鈎且捷。  
集作妻輕水薄玉狀，不分一尺寒光堪決雲。吹毛可試不可觸，似有蟲鏤缺。

裂文淬之幾墜前池水  
知不是蛟龍子割鷄刺虎皆  
苦空願應君心遂君指并州  
難縮竟何人每成此物如  
有神

割飛二刀子歌

前人

我家有剪刀人云鬼國鐵  
裁羅裁綺無純時用來三年  
一股折南中匠人淳用鋼  
再令盤屈隨手傷改鍛割飛  
二刀子色迎霽雪鋒含霜  
兩條神物秋水薄刃淬初蟾  
鞘金稍越戟吳鉤不足誇  
斬犀切玉應懷忤日試曾磨



漢水邊掌中悵慄聲冷然神驚魄悸却收得及頭已吐  
微微煙刀乎刀乎何熒熒魑魅須藏恠須懾若非良工  
變爾形只向裁縫委箱篋

寇季膺古刀歌

韋應物

古刀寒鋒青撼撼少年結交平陵客求之時

一作年

代不

可知千痕萬穴如星離重疊泥沙更剝落縱橫鱗甲相  
參差古物有靈知所適貂裘拂之橫廣席陰森白日掩  
雲虹錯落池光動金碧知君寶此誇絕代求之不得心

常愛厭見今時繞指柔片鋒拆刃猶堪佩高山成谷滄  
海填英豪埋沒誰所捐吳鉤斷馬不知處幾度煙塵今  
獨全夜光投人人不畏知君獨識精靈器酌恩結思心  
自知死生好惡不相棄白虎司秋金氣清高天寥落雲  
淨嶭月肅風淒古堂淨精芒切切如有聲何不跨蓬萊  
斬長鯨世人所好殊遼闊千金買鉛徒一割

素屏謠

白居易

素屏素屏孰為乎不文不飾不丹不青當世豈無李陽

水之篆文張旭之筆跡邊鸞之花鳥張藻之松石吾不  
令加一點一畫於其上欲爾保真而全白吾於香爐峯  
下置草堂二屏倚在東西墻夜如明月入我室曉如白  
雲圍我牀我心久養浩然氣亦欲與汝表裏相輝光爾  
不見當今侯家主三字集  
作甲第與王宮織成步障銀屏風  
綴珠陷鈿貼雲母五金七寶相玲瓏貴豪待此方悅目  
晏然寢卧乎其中素屏素屏物各有所宜用各有所施  
爾今木為骨兮紙為面捨我草堂欲何之

屏風曲

李賀

蝶棲石竹銀交關，水凝鴨綠瑠璃錢。周迴六曲抱銀

集作

膏

蘭鮮

集作將

鬟鏡上擲金蟬，沉香

集作火

暖茱萸煙酒

餘

集作醜

綰帶新承歡，月風吹露屏外寒。城上烏啼楚女

眠

花石長枕歌荅章居士

釋皎然

楚山有石郢人琢，琢成長枕知是玉。全疑冰片睡恐銷，  
間發花叢驚不足。贈予比之金琅玕，瓊花爛爛浮席端。

吾師遣吾不執寶今日感君因執者試叩鏗然應清律  
纖塵不留蠅敢拂萬物皆因造化資如何獨負清貞質  
南山有雲鵠在空長松為我生涼風高支抱詠樂其中  
行住四儀皆道意不覺小乘西竺一作曲士唯將此物安  
坐隅取次間眠有禪味

桃花石枕歌贈康

疑

從事

前人

卞山幽石產奇璞荆人至死採不着何人琢枕持贈君  
片片桃花開未落斂工見兮可為斂玉工辨兮知非石

至寶由來鑒者稀，今君獨鑒應欲惜。何辭售與韋疑天  
真，幸得提携親玉人。河中棄置君不顧，天生秀色徒璘  
玢。四座喧喧爭自悅，巧過造化稱一絕。莫言昨日因錯  
磨，省取從來無玷缺。六月江南暑未闌，一尺花水試枕  
看。高窓正午風颯變，室中不減春天寒。主人所重重枕  
德，文章外飾徒相惑。更有堅真不易心，與君天下為士  
則。

文苑英華卷三百四十七

欽定四庫全書

文苑英華卷三百四十八 宋 李昉等 編

博戲

碁三首

長行二首

打毬二首

競渡二首

險竿二首

西涼伎一首

雜歌上

汾陰行一首

疇昔篇一首

江南遇天寶樂叟歌一首

彈碁歌

韋應物

圓天方地局二十四氣子劉生絕藝難對曹客為歌其

能請從中央起中央轉鬪頗集作破欲闌零落勢背誰敢

集作能彈此中舉一得六七旋風忽散霹靂疾履機乘變

安可當置之鬪地翻取強不見短兵反掌收已盡唯有

猛士守四方四方又何難橫擊且緣邊集作如宣知集作昆明

與碣石一箭飛中隔遠天神安志愜動十全滿堂驚視



誰得

一作能然

觀碁歌送僊師西遊

劉禹錫

長沙男子東林師，閑讀藝經工奕碁。  
有時凝思如入定，暗覆一局誰能知。  
今年訪余來小桂，方袍袖中貯新勢。

山城無事秋日長，白晝懵懵眠

一作眼在

匡床。因君臨局者

鬪，智不覺遲景沉西墻。自從仙

集作山

人遇樵子，直到開

元王長史，前身後身付餘習。百變千化無窮

一作者不

已初

疑磊落曙天星，次見搏擊三秋兵。鴈行布陣衆未曉，虎

穴得子人皆驚行盡三湘不逢敵終日饒人損機格自  
言臺閣有知音悠然遠起西遊心高山夏木陰寂寂好  
處徘徊駐飛錫忽思爭道盡平沙獨笑無言心有適藹  
藹京城在九天貴遊華士足華筵此時一行出人意賭  
取名聲不要錢

彈碁歌

李頎

崔侯能

一作善

彈碁巧妙盡於此藍田美玉滑如砥白黑

相分十二子聯翩百中皆造微魏文手中不足比緣邊

度隴未可嘉，鳥跂星懸危。復斜迴風轉，指速飛電拂。取  
五四如旋花，座上齊聲稱。絕藝仙人六博，何曾繼一別。  
恒山道路遙，為余更作三兩勢。

薛卿教長行歌

時景移湖  
州別駕

釋皎然

桂陽仙柳道家說，昔傳蘓君今是薛。聊將握槊偶時人，

却一作便被人間稱冠絕。黃楊文局龜螭蟠，琢成頭子雙

琅玕。初疑月破雲中墮，復怪星移指下攢。誰識兵奇勢

可保，坐看將軍占一道。

長行有  
將軍梁

有時彩王

去

非所希笑

擊單于出重圍鳧鷖隼擊疾若飛左顧右盼生光輝家

本聯姻漢戚里身是長安貴公子名高藝絕何翩翩幾

迴決勝君王前屢作危遊長樂與祈年人望青雲白日邊

謫官江南歲陰晚還將此道聊自遣由來君子行最長

長行經有君子行小人行予亦知君子寄遠一作寄心遠

廢長行箋云辨其惑於無益之戲而不務恤民也

趙傳

紫牙鏤合方如斗二十四星街月口貴人迷此華筵中  
運木手交如陣鬪不第勞神運枯木且廢為官恤惻獨

門前有吏嚇孤窮欲訴門深抱冤哭耳厭人催坐衙早  
纔聞此戲身先到理人似愛長行心天下安平多草草  
何當化局為明鏡掛在高堂辨邪正何當化子作筆鋒  
常在手中行法令莫令終日迷如此不治生民負天子

打毬篇

蔡孚

臣謹按打毬者往之蹴鞠古戲也黃帝所作兵勢以練  
武士知有材也竊美其事謹奏打毬篇一章九七言九  
韻

德陽宮北苑東頭雲作高臺月作樓金鉞玉蓋千金地  
寶杖瑠璃七寶毬寶融一家三尚主梁冀頻封萬戶侯  
容色由來荷恩顧意氣平生事俠遊共道甲兵如斷蔗  
俱能走馬入長楸紅鬣錦鬟風駭驥黃絡青絲電紫騮  
奔星亂下花場裏初月飛來盡杖頭自有長鳴須決勝  
能馳迅足滿先籌薄暮漢宮愉樂罷還歸堯室曉垂旒

酬韓校書愈打毬歌

張建封

僕本修文持筆者今來帥領紅旌下不能無事習蛇矛

閑就平場學使馬軍中伎養驍智材競馳駿逸隨我來

護軍對引相向去

一作出

風呼月旋朋先開俯身仰擊復

傍擊難於古人左右射齊觀百步透短門誰羨養由遙

破的儒生疑我新發狂武夫愛我生雄光杖移鬃底拂

尾後星從月下流中場人

一本疊字

不約心自一馬

一本疊馬

不

鞭蹄自疾凡情莫辨捷中能拙目翻驚巧時失韓生訝

我為斯藝勸我徐驅作安計不知戎事意

疑作竟

何成且

媿吾人言一惠

競渡歌

劉禹錫

五月五日天晴明  
楊花繞江啼曉鶯  
使君未出郡齊外  
江上早聞齊和聲  
使君出時皆有準  
馬前已被紅旗引  
兩岸羅衣破鼻香  
銀釵照日如霜刃  
鼓聲三下紅旗開  
兩龍躍出浮水來  
棹影幹波飛萬斂  
鼓聲劈浪鳴千雷  
鼓聲漸急標將近  
兩龍望標目如瞬  
波上人呼霹靂驚  
竿頭綵掛虹蜺暈  
前船搶水已得標  
後船失勢空揮撓  
瘡眉血首爭不定  
輸岸一朋心似燒  
只將輸贏賞兩岸



十舟五來往，湏臾戲罷各東西。競脫文身請書上，吾今  
細觀競渡兒。何殊當路權相持，不思得所各休去。會到  
摧舟折楫時。

競渡曲

競渡始武陵，至今舉楫而相和之音，咸呼何在，斯招屈之義事，見圖經。

劉禹錫

沉江五月平堤流，邑人相將浮綵舟。靈均何年歌已矣，

哀謠振楫從此起。揚桴

集作批

擊節雷闐闐，亂流齊進聲。

轟然蛟龍得雨鬣，鬣動蝶螭飲河形。影聯刺史臨流展

一作

翠幃揭竿命爵分雄雌先鳴餘勇爭鼓舞未至銜

杖顏色沮百勝本自有前期一飛由來無定所風俗如  
狂重此時縱觀雲委江之湄綠旂夾岸照蛟室羅鞞陵  
波呈水嬉曲終人散空愁暮招屈亭前水東注

險竿歌

顧况

宛陵女兒擘飛手長竿橫空上下走已能輕險若平地  
豈肯身為一家婦宛陵將士天下雄一下定却長稍方  
翻身挂影恣騰蹋反縮頭髻盤旋風盤旋風撒飛鳥驚

猿遶樹枝裏頭上打鼓不聞時手蹉脚踏蜘蛛絲忽雷  
掣斷流星尾矐睽劃破蚩尤旗若不隨仙作仙女即應  
嫁賊生賊兒中丞方略通變化外戶不高從女嫁

險竿行

柳 曾

山險驚摧輻水險能覆舟奈何平地不肯立走上百尺  
高竿頭我不知爾是人耶復猿耶使我為爾長嘆嗟我  
聞孝子不許國忠臣不愛家爾今輕命重黃金忠孝兩  
虧徒爾誇始以險技悅君目終以貪心媚君祿百尺高

竿百度緣一足參差一家哭險竿兒聽我語更有險徒  
險於汝重於權者失君恩落向天涯海邊去險竿兒爾  
須知險途欲往爾可思上得不下得上一作不得我謂此  
輩險於竿兒

西涼伎

白居易

西涼伎西涼伎假面胡人假獅子刻木為頭縵作尾金  
鍍眼睛銀貼齒奮迅毛衣擺雙耳如從流沙來萬里紫  
髯深目羗集作西胡兒鼓舞跳梁前致詞道是涼州未陷

日安西都護進來時須臾云得新消息安西路絕歸不

得泣向獅子雙涕

集作涕雙

垂涼州陷沒知不知獅子迴頭

向西望哀吼一聲觀者悲貞元邊將愛此曲醉坐笑者

不足悞

集作享

賓犒士宴監軍獅子胡兒長在目有老

集作

一征夫年七十見弄涼州低面泣泣罷斂手白將軍主

憂臣辱昔所聞自從天寶兵戈起犬戎日夜吞西鄙涼

州陷來四十年河隴侵將九千里平時安西萬里疆今

日邊防在鳳翔

平時開遠門外立侯去安西九千九百里以示戎人不為萬里行其實就盈數

也今番漢使往來  
悉在隴州交易矣

緣邊空屯十萬卒飽食厚

集作温

衣閑

過日遺民腸斷在涼州將卒相者無意收天子每思長

痛惜將軍欲說含慙羞奈何仍看涼州

集作西涼

伎取笑資

歡無所愧縱無智力未能收忍取西涼弄為戲

雜歌上

汾陰行

李嶠

君不見昔日西京全盛時汾陰后土親祭祠齋宮宿寢

設諸

一作厨

供撞鐘鳴鼓樹羽旗漢家四葉才且雄賓延

萬靈服九戎栢梁賦詩高宴罷詔書法駕幸河東河東

太守親掃除奉迎至尊導鑾輿五營夾道

一作將校

列容衛

三河縱觀空里問迴旌駐驛降靈場懷椒奠柱

一作奠香奠醑

邀百祥金鼎發色

一作食非

正焜煌靈祇睟睟摛

一作睟慮

景

光埋玉陳牲禮神畢舉麾上馬乘輿出彼汾之曲嘉可

遊木蘭為檝桂為舟棹歌微吟綵鷁浮簫鼓哀鳴白雲

秋觀娛宴賜洽群后家賜

一作家

復除戶牛酒聲鳴

一作明

動天樂無有千秋萬歲南山壽自從天子向秦闕玉輦

金車不復還珠簾羽帳長寂寞昂湖龍髯何處

一作安可攀

十年一作齡人事一朝空四海為家此路窮雄豪意氣今

何在壇場宮觀

一作館

盡蒿蓬道邊故

一作路逢古

老長嘆息

世事回環不可識

一作測

昔時青樓對歌舞今日黃埃聚

荆棘山川滿目淚霑衣富貴榮華能幾時不見即

一作只

今汾水上唯有年年秋鴈飛

一作皆文粹

疇昔篇

駱賓王

少年重英俠弱歲賤衣冠既託寰中貴方承膝下歡教



遊灞水

集作陵

曲風月洛陽端且知無玉饌誰肯逐金丸

金丸玉饌盛

一作信

繁華自言輕侮季倫家五霸爭馳千

里馬三條競騫七香車掩映飛軒乘落

一作夜

照參差步

障列朝霞池中舊水涵明月

集作懸鏡

屋裏新粧不讓花意

氣風雲倏如昨歲去年來

集作歲月春秋

屢回薄上苑頻經柳

絮飛中園幾見

集作去聲

梅花落當時門客今何在疇昔

交朋

集作游

已踈索不

集作莫

見顛顛損容儀會在

集作得

高

秋雲霧廓淹留坐帝鄉無事度

集作積

炎涼一朝披短褐

六載賦長楊

集作奉長廊

賦文慙昔馬執戟歎

集作慕

前揚揮

戈出武帳荷筆入文昌文昌隱隱皇城裏由來奕奕多

才子潘陸詞鋒駱驛飛曹張文

集作張曹翰

苑縱橫起卿相

未曾識王侯寧見擬垂鈎井成白首翁負薪何處逢知

已

二句集作徒勞倦負薪何處逢知已

判一作誰

將運命賦窮通從來奇

一作

命舛任西東不應

一作豈言

永棄同芻狗且復飄飄類轉蓬

客

集作容

鬢年年異春華歲歲同榮親未盡禮狗主欲申

功脂車秣馬辭鄉

集作京

國策

集作策

轡西南吏叩轆玉壘

銅梁不易攀地角天涯渺難測鸚鵡嘒蟬鳴

集作吟

有悲望

鴻來鴈度無音息陽關積霧萬里昏劔閣連山千種色

蜀路何悠悠岷峯阻且修迴腸隨九折迸淚下雙沱寒

光

一作雲

千里暮霧氣二江秋長途看策

一作來

馬平水見

沉牛華陽舊地標神制石鏡峨眉偏

某作真

秀麗諸葛才

雄已號龍公孫躍馬輕稱帝五丁卓犖多奇力四士

蜀都

賦云江漢炳靈世載其英蔚若相如瞻若君平王褒韉聘而秀發揚雄含章而挺生四士指此一本作皓非兼

末句有高山四翁之句

英靈富

集作用

文藝雲氣橫開八陣形橋影

遙分七星勢川平煙霧開遊戲錦城隈牆高龜步轉

集作

隴高龜望山

水靜鴈丈廻尋姝入酒肆訪客上琴臺不識金

貂重偏惜玉山顏他鄉荏苒銷年月帝里悠悠限

集作沉沉

恨城闕不見猿聲助客啼唯聞旅思將花發我家迢遞

關山裏關山迢遞不可越故園梅柳尚餘香

集作春

來時

勿使芳菲歇解鞅

集作袂

欲言歸執袂愴多違北梁俱握

手南浦共沾衣別情傷去蓋離念惜徂

集作光

暉知音何

所托木鴈薦

集作木落有

南飛回來望平陸春來酒應熟相

將茵閣卧

集作望

清溪且用藤杯泛黃菊十年不達

集作調

為貧賤百日屢遷隨倚仗祇為須求負郭田使我再干

州縣

集作郡

祿百年鬱鬱少騰遷萬里遙遙

集作退

入鏡川

吳江拂潮衝白日淮海長波接遠天叢竹凝朝露孤山

起暝烟賴有邊城月來

集作常

傍客旌懸東南美箭稱吳

會名都隱軫三江外塗山執玉應昌朝

集作期

曲水開襟

重文會仙鏞流音鳴鶴嶺寶劔分暉若蛟瀨未看白馬

對蘆芻且覺浮雲似車蓋江南節序多文酒屢經過莫

集作共

踏春江曲但

俱集作

唱採菱歌舟移疑入鏡棹舉若

乘波風光無限數

極集作

歸檝礙池荷眺聽煙霞正流眇

即從王事歸艫轉芝田花月

集作發

屢徘徊金谷佳期

集作

德明非

重遊行登高北望

集作南適

咄梁叟憑軾西征想潘楬

峯開華岳聳疑蓮水激龍門急如箭人事謝光陰俄遭

霜露侵偷存七尺影分沒九泉深窮途行泣玉憤路未

藏金茹荼空

集作徒

有歎懷橘獨傷心年來歲去成銷鑠

懷抱心期漸寥落掛冠裂冕已辭榮南畝東臯事耕鑿

賓階客院常踈散，蓬徑柴扉終寂寞。自有林泉堪隱栖，何必山中事丘壑。我住青門外，家臨素滙濱。暹瞻丹鳳闕，斜望黑龍津。荒衢通獵騎，窮巷抵樵輪。時有桃源客，來訪竹林人。昨夜琴聲奏，悲調旭旦含。嘖不言。集作笑。

果乘驄馬發，囂書復道郎。官稟綸詔。

集作

詔非 冶長非罪曾

縲紲長孺然，灰也經溺于。

集作

門有闕不圖，封峻筆無

聞欲敷妙適，離京兆謗還從御史。

集作

彈炎威分

集作

夏景平曲况，秋翰畫地終難入。書空自不安，吹毛猶

集作

未  
可待搖尾且求食丈夫坎壈多愁疾契闊迍遭盡今

日慎罰寧憑兩造詞嚴科直掛三章律劓銜悲繫燕

獄李斯抱怨拘秦桎不應白髮頓成絲直為黃沙暗如

漆紫禁終難叫朱門不可集作易排驚魂聞葉落危魄逐

輪霍集作理霜威遙有勵雪枉遂集作更無階含冤欲誰道

飲氣獨居懷忽聞驛使發關東傳道天波萬里通涸鱗

去轍還集作先遊海幽禽釋網更集作便翔空舜澤堯曦方

有極纔言巧佞謹疑無窮誰能跼蹐依三輔會就商山



訪四翁

江南遇天寶樂叟

白居易

白頭病叟泣且言，祿山未亂入黎園。  
能彈琵琶和法曲，多在華清隨至尊。  
是時天下太平久，年年十月坐朝元。  
千官起居環珮合，萬國會同車馬奔。  
金鈿照曜石甕寺，蘭麝薰煑溫湯源。  
貴妃宛轉侍君側，體弱不勝珠翠繁。  
冬雪飄飄錦袍暖，春風蕩漾霓裳翻。  
歡娛未足燕寇至，弓勁馬肥胡語喧。  
幽土人遷避夷狄，昂胡龍去哭軒轅。

從此飄淪落

集作漂淪到

南土萬人死盡一身存秋風江上

浪無限暮雨舟中酒一罇涸魚久失風波勢枯草曾沾

雨露思我自秦來君莫問驪山渭水如荒村新豐樹老

籠明月長生殿暗鎖黃昏紅葉紛紛蓋歌瓦綠苔重重

封壞垣唯有中官作宮使每年寒夕一開門

文苑英華卷三百四十八

欽定四庫全書

文苑英華卷三百四十九 宋 李昉等 編

雜歌中

江畔老人怨一首 鑷白曲一首

金銅仙人辭漢歌一首

金井歌一首 閭里謠一首

無可奈何一首 馮燕歌一首

雜歌一首 散人歌一首

刈獲行一首

天威行一首

築城篇一首

江畔老人怨

崔顥

江南少年十八九乘舟欲渡青谿口青谿口邊一老翁  
鬢眉皓白已衰朽自言家代仕梁陳垂朱拖紫三十人  
兩朝出將復入相五世疊鼓乘朱輪父兄三葉皆尚主  
子女四代為妃嬪南山賜田接御苑北宮甲第連紫宸  
直言榮華未休歇不覺山崩海將竭兵戈亂入建康城

煙火連燒未央闕衣冠士子陷鋒刃良將名臣盡埋沒  
山川改易失市朝衢路縱橫填白骨老人此時尚少年  
脫身走得投海邊罷兵歲餘未敢出去鄉三載方沅旋  
蓬蒿忘却五城宅草木不識青谿田雖然得歸到鄉土  
零丁貧賤長辛苦採樵屢入厯陽山刈稻常過新林浦  
少年欲知老人歲豈知今年一百五君今少壯我已衰  
我昔少年君不覩人生貴賤各有時莫見羸老相輕欺  
感君相問為君說說罷不覺令人悲

鑷白曲

薛逢

去年鑷白鬢鏡裏猶堪認

一作  
渾

年少今年鑷白髮兩眼

昏昏手戰挑

疑作  
揮

滿酌濃醑假顏色顏色不揚翻自笑

少年曾讀古人書本期獨善安有餘雖蓋長安一片瓦

未遑卒歲容寧居前年依亞成都府月請俸緡六千五

妻兒骨肉愁欲來偏梁閣道歸得否長安六月塵亘天

池塘鼎沸林欲燃合家慟哭出門送獨驅匹馬陵山巔

到官只是推誠信終日競競幸無怯丞相知憐為小心

忽然秦佩專城印專城俸入一倍多况兼職祿霜我我  
山妻稚女悉迎到時列綠樽醑酒歌醉來便向樽前倒  
風月滿頭絲皓皓雖然減得闔門憂又加去國五年老  
五年老知奈何來日少去日多金鎚鎚碎黃金鑷更唱  
樽前老去歌

金銅仙人辭漢歌

李賀

魏明帝青龍元年八月詔宮官牽車西取漢孝武捧露  
盤仙人欲立置前殿宮官既拆盤仙人臨載乃潸然淚

下唐諸王孫李長吉遂作金銅仙人辭漢歌

茂陵劉郎秋風客夜聞馬嘶曉無跡畫欄桂樹懸秋香  
三十六宮土花碧魏官牽車指千里東關酸風射眸子  
空將漢月出宮門憶君清淚如鉛水衰蘭送客咸陽道  
天若有情天亦老携盤獨出月荒涼渭城已遠波聲小

金井歌

劉商

文明化洽天地清和氣

一作元和

氤氳孕至靈

一作精

瑞雪不

散抱層嶺陽谷霞光射山頂薙草披沙石竇開生金曜



日明金井虞衡相賀為禎祥畏人採攫持艾戕疑作羊  
馳馬走塵滿道郡邸封章開建章君王儉德先簡易瞻  
國肥家在仁義山澤藏金與萬人宣言郡邑無專利閭  
閻少長競奔湊黃金滿袖家富有驩心蹈舞歌皇風願  
載謳誦青史中

閭里謠

効古  
歌

李紳

鄉里兒桑麻鬱木忝肥冬有繼襦夏有絺兄鉏弟耨妻  
在機夜犬不吠開蓬扉鄉里兒醉還飽濁醪初熟勸翁

媪

一作嫂

鳴鳩拂羽知年好齊和楊花踏春草勸少年樂

耕桑使君為我剪荆棘使君為我驅豺狼林中無虎山  
有鹿水底無蛟魚有魴父子獵歸白日暮明月處處春  
黃糧鄉里兒東家父老為爾言鼓腹那知生育恩莫令  
太守馳朱轡懸鼓一鳴盧鵲喧惡聲主吏噪爾門唧唧  
力力烹鷄豚鄉里兒莫悲吃上有明王頒詔下重選賢  
良恤孤寡春日遲遲驅五馬留犢投錢以為謝鄉里兒  
終爾詞我無却巧惠無私舉手一揮臨路歧

無可奈何歌

白居易

無可奈何兮白日走而朱顏頹少日往兮老日催生者  
不住兮死者不回况乎寵辱豐頹之外物又何嘗不一  
去而一來去不可挽兮來不可推無可奈何兮已焉哉  
惟天長而地久前無始而文粹後無終嗟吾生之幾何  
寄瞬息乎其中又加太倉之稊米委一粒於萬鍾何不  
與道逍遙委化從容縱心放志洩洩融融胡為乎分愛  
惡於生死繫憂喜於窮通倔强其骨髓齟齬其心胃合

水炭以交戰祇自苦乎厥躬彼造物者于何不為而此

文粹作此與

化者云何不隨

問

或吸或吹或盛或衰雖千變

與萬化委一順以貫之為彼何非為此何是誰冥此心

夢蝶之子何禍非福何吉非凶誰達此觀喪馬之翁俾

吾為秋毫之杪吾亦自足不見其小俾吾為太山之阿

吾亦無餘不見其多是以達人靜則昭然與陰合迹動

則浩然與陽同波委順而已孰知其他時耶命耶吾無

柰彼何隨

文粹作委

耶順耶彼亦無柰吾何夫兩無柰何然

後能冥至順而合大和故吾所以飲大和扣至順而為  
無奈何之歌

馮燕歌

司空圖

麗情集作沈亞之歌中亦云為感詞人沈  
下賢良歌更與分明說下賢沈亞之字也

魏中義士有馮燕遊俠幽并最少年避讐偶作滑臺客  
嘶風躍馬來翩翩此時恰遇鴛花月堤上軒車晝不絕  
西面高樓語笑聲指點行人情暗結擲果潘郎誰不慕  
朱門別見紅粧露故故推門掩不開似教歐軋傳言語

馮生敲鐙袖籠鞭半拂垂楊半惹煙樹間青鳥知人意  
的的心期暗與傳傳道張嬰偏嗜酒從此春一作香 閨為

我有梁間客鷺正相欺屋上鳴鳩空自關嬰歸醉卧非

讐汝豈知負過人懷懼燕依戶扇欲潛逃巾在枕傍指

令取誰言狠戾心能集作難 忍待我情深情不隱回身本

為集作謂 取巾難倒柄方知授霜刃馮君撫劍即持集作遲

疑自顧平生心不欺爾能負彼必相負假手他人復在

誰窻間紅艷猶可掬孰視花鈿情不足唯將大義斷曾

襟粉頸初迴

某作過

如切玉鳳釵碎各分飛怨魄嬌魂

何處追

某作歸

陵波如喚遊金谷羞彼椰榆淚滿衣新人

藏匿舊人起白晝喧呼駭隣里誣執張嬰不自明貴免

生前遭考捶官將赴市擁紅塵掉臂人來擗省人傳聲

莫遣有冤濫盜殺嬰家即我身初聞僚吏翻憂嘆

某作憂翻

疑呵叱風狂詞不變縲囚解縛自猶某作猶自疑疑是夢中

方某作云

脫免未死勸君莫浪言臨危不顧始知難已為

不平能割愛更將身命救深冤白馬賢侯賈相公長懸

金帛募才雄拜章朗讀

集作清讀

馮燕罪千古三河激義風

黃河東注無時歇注盡波瀾名不滅為感詞人沈下賢  
長歌更與分明說此君精爽知猶在長與人間留炯誠  
鑄作金燕香作堆焚香酌酒聽歌來

雜歌

李端

漢水至清泥則濁松枝至堅蘿則弱十三女子事他家  
顏色如花終素漠蘭生當門鶯巢幕蘭芽未吐燕泥落  
為姑偏忌諸嫂良作婦翻嫌壻家惡人生照鏡須自知



無監何用妬西施秦庭野鹿忽為馬巧偽亂真君試思  
伯奇掇蜂賢父逐曾參殺人慈母疑沽酒十日人不醉  
琴弄一絃心已悲常聞善交無爾汝讒口甚甘良藥苦  
山雞錦翼豈鳳凰隴鳥人言止鸚鵡向栩非才徒隱竈  
田文有命那關戶犀燭江行見鬼神木人登席上歌舞  
樂生東丁終居趙陽虎北轅翻適楚世間反覆不易陳  
緘此貽君淚如雨

散人歌

陸龜蒙

江湖散人天骨奇短髮抓

集作  
搯

來蓬半垂手提孤莖曳

寒壘口誦太古滄浪詞詞云太古萬萬古民性甚野無

風期夜棲止與猛獸

集作  
禽

雜獨自構架縱橫枝因而稱

曰有巢氏民共

一作  
相與

敬貴如君師當時只效烏鵲輩豈

是有意陳尊卑無端後聖穿鑿破一派前導千流隨多

方惱亂元氣死日使文字

文粹作  
父子

生姦欺聖人事業轉

銷耗尚有漁者存熙熙風波不獨困一士凡百器用皆

能施屣踈滄腐鱸鯁脫正失檢馭非讒疵人間所謂好

男子我見婦女留眉鬢奴顏婢膝真乞丐反以正直為

狂痴所以頭欲散不散冠

文粹  
作并

我魏所以腰欲散不散

珮陸離行

一作

散任之適坐散從傾歌語散空谷應笑

散春雲披衣散單復便食散酸醎宜書散混真草酒散

甘醇醜屋散勢斜直樹散行參差客散忘簪履禽散虛

籠池外物一以散中心散何宜不共諸侯分邑里不與

天子專隍俾靜則守桑柘亂則逃妻兒金鑣具

文粹作  
紳集作

具帶未曾識白刃殺我寄生為或聞蕃將負恩澤號令

鐵馬如風馳大君年少丞相少當軸自請諸旌旗神鋒  
悉出羽林仗繪畫日月蟠龍螭太宗基業甚牢固小醜

背叛當殲夷禁軍近自肅宗置

文粹  
作置

抑遏輔國爭雄雌

必然大段剪克逆須召勁勇扶軍麾四方賊壘猶占地  
死者暴骨生寒饑歸來輒擬荷鋤笠詬吏已責租錢遲  
興師十萬一日費不啻千金何以支抵今利口且箕歛  
何暇俛首哀惻婺均荒補敗豈無術布在方策撐顏戲  
水霜襦袴易反掌白面諸郎殊不知江湖散人悲古道

悠悠幸寄羲皇傲官家

集作吾皇

未議活蒼生拜賜江湖散

人號

刈獲行

一作歌

前人

自春徂秋天弗雨廉廉早稻栽

集作穰通用

遮畝芒粒稀疏

熟更輕地與

集作上禾

頭未

集作不

相住我來愁築心如堵

更聽農夫夜深語凶年是物即為災

集作葛通用

百陣野鳧

千穴鼠平明抱杖入田中十穗蕭條

集作然

九穗空敢言

一歲困倉實不了而

集作如

今朝暮春天職誰司下民籍

苟有區分官析析

集作拊  
拊通用

本作耕耘意若何蟲豸兼教

食人食古人為邦須蓄積魯饑尚貴

集作責

如齊糴今之

為政異當時一任流離恣徵索平生早

集作幸

遇華陽客

向日飡霞亦肥白欲賣耕牛棄水田移田且傍三茅宅

天威行

顧雲

蠻嶺高蠻海闊去舸迴艘投此歇一夜舟人得夢間草  
草相呼一時發颶風忽起雲顛狂波濤擺掣魚龍殭海  
神怕急上岸走山靈股慄入石藏金蛇飛狀霍閃過白

日倒掛銀繩長轟轟礮礮雷車轉霹靂一聲天地戰風  
定雲開始望着萬里青山分兩片車遙遙馬聞聞平如  
砥直如弦雲雨八國萬部落皆知此路來朝天耿恭拜  
出井底水廣利刺開山上泉若論終古濟物意二將之  
功皆小焉

築城篇

前人

三十六里西川地圍遶城廓我天橫一家人率一口甕  
版築繞興城已成役夫登登無倦色饑飽觴酣方暫息

不假神龜出指蹤畫憑心匠為籌畫畫閣團團真鐵甕  
堵閣嶢巖一作嶢嶢齊石壁風吹四面旌旗動火焰相燒滿  
天赤散花樓晚掛殘虹濯錦秋江澄倒壁西川父老賀  
子孫從茲始是中華人

文苑英華卷三百四十九



欽定四庫全書

文苑英華卷三百五十

宋 李昉等 編

雜歌下

麗人行一首

白絲行一首

憶惜行一首

百憂集一首

徒步歸行一首

偈仄行一首

負薪行一首

最能行一首

狂歌行一首

扶風豪士歌一首

君不見一首

老去也一首

追昔行一首

醉春風一首

隣相反行一首

馬嵬行一首

麗人行

杜甫

三月三日天氣新長安水邊多麗人態濃意遠淑且貞  
肌理細膩骨肉勻繡羅衣裳朝暮春蹙金孔雀銀麒麟  
頭上何所有翠為甸某作葉垂髮脣背後何所見珠壓

腰支

某作

穩稱身就中雲幕椒房親賜名大國號與秦

紫駝之峯出翠釜水精之盤行素鱗犀筋厭飲久未下

鑿刀縷切空紛綸黃門飛鞚不動塵御厨絲絡集作絡送

八珍簫鼓哀吟感鬼神賓從合集作雜實要津後來鞍

馬何遂巡當道集作軒下馬入錦茵楊花雪落覆白蘋青

鳥飛去銜紅巾炙手可熱勢絕倫慎莫向集作近前丞相

嗔

白絲行

前人

綠絲須長不須白越羅蜀錦金粟尺集作矜象床玉手

赫輝

亂殷紅萬草干花動凝碧已悲素質隨時改

某作染

裂下

鳴機色相射美人細意熨帖平裁縫滅盡針線跡春天  
衣着為君舞蚨蝶飛來黃鸝語落絮遊絲亦有情隨風

照日宜

某作疑

輕舉香汗清塵似微汗

某作輕塵汗顏色

開新合

故置何許君不見志

某作才

士汲引難恐懼棄捐忍羈旅

憶昔行二首

前人

憶昔先皇巡朔方千乘萬騎入咸陽陰山驕子汗血馬  
長驅東胡胡馬藏鄴城反覆不足怪關中小兒壞紀綱

張后不樂上為忙至今今上猶撥亂勞身某作心焦思補

四方我昔近侍叨奉引兵出

某作出兵

整肅不可忘

某作當

為

留猛士守未央致使歧雍防西羌犬戎直來坐御床百官跣足隨天王願見北帝傅介子老儒不用尚書郎

二

憶昔開元全盛日小邑猶藏萬家室稻米流脂粟米白公私倉廩俱豐實九州道路無豺虎某作狼遠行不勞苦

日出齊紈魯縞車班班男耕女桑

一作蠶

一作

不相失宮中聖

人奏雲門天下朋友皆膠漆百餘年間未災變叔孫禮  
樂蕭何律豈聞一絹值萬錢有田種穀今流血洛陽宮

殿焚燒

某作  
燒

盡宗廟新除狐兔穴傷心不忍問耆舊復

恐初從亂離說小臣魯鈍無所能朝廷記識蒙祿秩周  
宣中興望我皇灑血一作  
淚江漢身衰疾

百憂集行

前人

憶年十五心尚孩健如黃犢走復來庭前八月梨棗熟  
一日上樹能千迴即集作  
尺今倏忽已五十坐卧只多少

行立強將笑語供主人悲見生涯百憂集入門依舊四  
壁空老妻覩我顏色同痴兒未知父子禮叫怒索飯啼

門東

徒步歸行

見三百四十卷

偈仄行

贈畢  
耀

未敢

前篇作  
不敢

已令請給會通籍

集作已今把  
牒還諸假

速宜

集作  
經須

此詩合入歌行門緣英華誤編在二百一十卷今

不重錄

負薪行

前人

夔州處女髮半華四五十無夫家更遭喪亂嫁不售

一生抱恨堪

集作長

咨嗟土風坐男使女立應門當戶女

出入十猶

集作有

八九負薪歸賣薪得錢應

集作當

供給至

老雙鬟只垂頸野花山葉銀釵並筋力登危集市門死

生射利兼鹽井面裝首飾雜地痕地褊衣寒困石根若

道巫山女麤醜

集作遊

何得此有昭君村

最能行

前人



峽中丈夫絕輕死，少在公門多在水。富豪有錢駕大舸，  
貧窮取結行艤子。小兒學問止論語，大兒結束隨商旅。  
欵帆側拖入波濤，檝旋捐瀆無險阻。朝發白帝暮江陵，  
頃來目擊信有徵。瞿唐漫天虎鬚，集作眼怒歸州長年與  
行集作最能此鄉之人器，集作氣量窄悞競南風。踈北客若  
道土無英俊，才何得山有屈原宅。

狂歌行

贈四兄

前人

與兄行年校一歲，賢者是兄愚者弟。兄將富貴等浮雲，

弟功切名好權勢長安秋雨十日泥我曾

集作曹

韉馬聽

晨鷄公卿朱門未開鎖我曹已到肩相齊吾兄睡穩方

舒膝不鞮不巾踏曉日男啼女哭莫我知身上須繒腹

中實今年思我來嘉州嘉州酒重

一作香

花繞樓樓頭喫

酒樓下卧長歌短歌

集作詠

還相酬四時八節還拘禮女

拜弟妻男拜弟幅巾鞶帶不掛身頭脂足垢何曾洗吾

兄吾兄巢許倫一生喜怒長任真日斜枕肘寢已熟啾

啾唧唧何為人

扶風豪士歌

李白

洛陽三月飛胡沙洛陽城中人怨嗟天津流水波赤血

白骨相撐如亂麻我亦來奔溧溪上

集作東奔  
向吳國

浮雲四

塞道路賒東方日出啼早鷄城門人開掃落花梧桐楊

柳拂金井來醉扶風豪士家扶風豪士天下奇氣意相

傾山可移作人不倚將軍勢飲酒豈顧尚書期彫盤綺

食會衆客吳歌趙舞香風吹原嘗春陵六國時開心寫

意君所知堂中各有三千士明日報恩知是誰撫長劍

一揚眉清水白石何離離脫君集作帽向君笑飲君酒

為君吟張良未遂集作赤松去地橋集作黃石知我心

君不見

薛逢

君不見馬侍中氣吞河朔稱英雄君不見韋太尉二十  
年前鎮蜀地一朝冥漠歸下泉功業聲名兩憔悴奉誠  
園裏蒿棘生長興街南沙路平當時帶礪在何處今日  
子孫無地耕或聞羈旅井常調簿尉文參各天表清明  
縱使天使來一把紙錢風樹杪碑文半缺碑堂催和連

塚象狐兔開野花似雪落何處棠梨樹下香風來馬侍  
中韋太尉盛去衰來片時事人生倏忽一夢中何必深  
深固權位

老去也

前人

惆悵人生不滿百一事無成頭雪白迴看幼累與老妻  
俱是途中遠行客匣中舊鏡照膽明昔曾見我髭未生  
朝巾暮櫛不自省老皮皺皺文縱橫合掌髻子蒜許大  
此日方知非是我暗數七旬能幾何不覺中腸熱如火

老去也爭奈何  
敲酒盞唱短歌  
短歌未竟日已沒  
月映西南庭樹柯

追昔行

前人

朝光如飛猶尚可  
暮更如箭不容卧  
捷為穿城更漏頻  
一一皆從枕邊過  
一夕凡幾更一更  
凡幾聲青春枉向  
鏡中老白髮虛從  
愁裏生曾窺帝里  
東隣女自比桃花  
鏡中許一朝嫁得  
征戍兒荷戈千里  
防秋去去時只作  
旦暮期別後生死  
俱不知風驚粉色  
入蟬鬢愁送鏡花

潛墮枝前年因出長安陌見一女人頭雪白日中扶杖  
憇樹陰髣髴形容認相識向予吁嗟還獨語曾與君家  
隣舍住當時妾嫁與征人幾向墻頭誚夫主花開葉落  
何推遷屈指數當三十年頭眉薤葉同枯葉琴上朱絃  
成斷絃嫁時寶鏡依然在鵲影菱花滿光彩夢裏長嗟  
離別多愁中不覺顏容改歎息人生能幾何喜君顏貌  
未蹉跎因君下馬重相顧請奏青門腸斷歌

醉春風

前人

去年春似今年春依舊野花愁殺人  
犍為縣裏古城上  
開是好花飛是塵戲蝶狂蜂相往返  
一枝花上聲千萬  
時節先從暖處開北枝未發南枝晚  
江城太守鬚鬢蒼  
忽然置酒開華堂歌兒舞女亦隨後  
暫醉始知天地長  
頃年曾作東周掾同舍尋春屢開宴  
斗門亭上柳如絲  
洛水橋邊月如練洛陽風俗不禁街  
騎馬夜歸香滿懷  
坐客爭吟雲碧句美人醉贈珊瑚釵  
日往月來何草草  
今年又校三年老槽中駿馬不能騎  
惆悵落花開滿道



為報時人知不知看花對酒定無疑君看野外孤墳下  
石羊石馬是誰家

隣相反行

前人

東家有兒年十五只向田園獨辛苦夜開溝水遶稻田  
曉叱耕牛墾墾土西家有兒纔弱齡儀容清峭雲鶴形  
涉書獵史無早暮坐期朱紫如拾青東家西家兩相誚  
西兒笑東東又笑西云養志與榮名彼此相非不相調  
東家自云雖辛苦躬耕早暮及所一作親男春女爨二

十載堂上未為衰老人朝機暮織還充體餘者到兄還  
及弟春秋伏臘長在家不許妻孥暫違禮爾今二十方  
讀書十年取第三十餘往來途路長離別幾人便得昇  
公車縱令得官一作貴身須老銜恤終天向誰道百年骨

肉歸下泉萬里扮榆長秋草我今躬耕奉所天耘鋤刈  
獲當少年面上笑添今日喜肩頭薪績厨中煙縱使此  
身頭雪白又有兒孫還稼穡家藏一卷古孝經世世相  
傳皆得力為報西家知不知一作不何須謾笑東家兒生

前不得供其滑歿後揚名徒爾為

馬嵬行

劉禹錫

綠野扶風道黃塵馬嵬驛路邊楊貴人墳高三四尺乃  
問里中兒皆言幸蜀時軍家誅佞幸天子捨妖姬群吏  
伏門屏貴人牽帝衣低徊轉美目風日為無暉貴人飲  
金屑倏忽薜英暮平生服杏丹顏色真如故厲車塵已  
遠里巷來窺覩共愛宿粧妍君王畫眉處履綦無復有  
履組光未滅不見巖畔人空見凌波鞵郵童愛蹤跡私

手解鑿結傳者千萬眼縷絕香不歇指環照骨明首飾  
敵連城將入咸陽市猶得賈胡驚

文苑英華卷三百五十

欽定四庫全書

文苑英華卷三百五十一 宋 李昉等 編

問答一

七契八首

七勵八首

七契

梁昭明太子

奚斯逸士肥遁棄榮蓮峯於馬剗跡灌木是用庇形口  
不悅於五味心不娛於八聲鄙巢父之稱哲笑蘇門之  
為英鳩蓋龍旂初不關意鳳吹鼉鼓終不屑情跨四海

而擅美邁三古而振名居山林而不返終無慮而無營  
於是辯博君子詞若湧泉言踰却秦之魯辯超稷下之  
田欲抑則大鵬垂翅欲抗則尺鷃冲天聞逸士之懷寶  
乃拂衣而造焉駕兩驂之如手乘輕車之若流爰自畿  
甸徑造山周傍瞻虹見俯眺雲浮鳴禽聒耳零霧蔽眸  
唯一壑之為阻無三逕之可求於是披榛陟路援蘿踐  
萼雖跋涉而不休覩逸士之所託其為居也寂焉而靡  
所聽瞑然而無所瞻三春蔓戶八桂攢簷華門鳥宿圭

竇狐潛風來室搖霧下窻霑實人跡之罕至逸士於此而獨淹君子曰蓋聞智士不希狷介仁者莫有迷邦傅說終受殷爵呂望遂啓齊封余敬吐誠而畢慮子能留志而見從乎逸士曰鄙人固陋自潛幽藪必枉話言敬聆金口

君子曰若夫夾鍾之節春景依遲碧樹初蔭綠草含滋春臺之樂信矣熙熙於是百金之士萬鍾之家招搖隆富徵集豪華駕紫駟之馬乘青蓋之車出自高宇行無挾斜陶嘉月而結交遊藉芳辰而宴朋友望宜

春以隨肩入長楊以携手金盤薦美藉之珍玉杯沉縹  
清之酒義曰和神事非爽口於是娛樂未終留一作曠光

將夕飛觴引滿奮袖舉白投轄安坐歡甚促席以會雕  
蟲之賓加有清談之客論同炙輶藻若凌雲戴憑不能  
高其說相如不能擅其文無玄不析無細不分搦簡玉  
振下筆蘭芬乃亦六郡莫擬非直三蜀茂聞屬虞泉氣  
晚朗月潛曜清卮未闌宵景方照竒舞遞作名謳斯召  
約綽妍姿嬋媯宜笑綺縠風吹珠璣星耀齊竽颺參差



之響趙瑟奏鏗鏘之妙茲亦遊讌之至娛子能偕此而為  
樂乎逸士曰輕蕩遊觀非予所耽得性行樂從好山南

君子曰輔性和神實惟至味非直方今見重乃亦一作

其自古攸貴不周之禾調腸補一作胃雜以龍肝攫炙

豹一作舌握唇劉氏之醢范公之麟鶴出雲際鱗來江

岷蒲菹芬馥古聖所珍其酒則蒼梧九醞中山十日取

譬湛露擬之飴蜜百味交馳三雅間出若其珍異則脩

筵斯溢千品萬類不可詳悉西母靈桃南楚萍實東陵

之瓜北燕之栗湖畔之柿江陰之橘張掖白柰恒陽黃  
黎河東洗犬隴蜀蹲鴟並怡神甘口窮美極滋加以伊  
公調和易氏燔爨傳車渠之椀置青玉之案瑤俎旣已  
麗竒雕盤復為美玩子能與一作從予而享之乎逸士曰  
甘脆腸腐五味口填伊人素蓄無羨方丈

君子曰千里之駒出自余吾伯樂所選伏波所模通肩  
合相平腹應圖激電比速躡景競驅騰黃弗敢擬駿赤  
兔莫與爭途異態踈蹠竒姿猗倚逸足驟反遊雲移駛

形函遊華日不暇徙迺飾金羈之昭晰加以玉鞍之輝  
煥連乾麗靡輕蘇繁爛逸氣既為勝矚美飾重成壯觀  
蹄蹶紅塵膺流絳汗風起龍驤灰聲鳥散自古迄今人  
誰不玩逸士能就一作予而來之乎逸士曰遊逸輕佻  
策馬爭驅粵今樂靜豈能感娛一作感吾娛一作豈

君子曰光形飾體莫過鮮衣冠鷓鴣之長纓若層雲之  
零霏琅玕珩珮言飾于背飄颺輕裾是用曜軀方空之  
綬弱紈之蕉暑纒炎而已却風未至而先搖既唯照麗

兼以輕鏘似朝霞之發彩若夕景之舒光至夫杪秋既  
謝寒緒中人則輕狐稱美豐貂表珍斯乃赤也所以去  
魯孟嘗所以出秦步光之妙櫛具之華君子武備所用  
禦邪標以珠玉飾以蓮花其任則百冶精銳利擬秋霜  
豈止在身為美服襲稱臧固乃龍躍於襄水見氣於南  
昌幽通神化其妙難詳將與逸士服之以相佯逸士曰  
紛絺避暑緼袍禦冬鮮麗綺靡未之或從

君子曰寔有喬桐抽葉青葱結根善地擢幹華嵩栖鳳

層山之側藏龍平陵之東拂鬣韃之高雲鼓梢殺之雄  
風岩亭萬仞實造天中乃使匠石運斤班輸琢錘製起  
玄脩形踰綠綺與金石而鏗鏘共絲竹而曼靡托北方  
之佳人命高樓之杞民間以巴隴才僮邯鄲妙妓騁獸  
為之輟馳飛禽為之不徙加以荆和之飾照耀柘絲之  
絃激揚三聲吐韻四結流唱辭高薰奏響溢芝房竹來  
嶰谷律寫歸昌再鼓而玄鶴集九成而儀鳳翔初音魚  
踊餘妙繞梁何止田文慨慷劉靖心傷而已哉中山青

曲若折而和揚美目以流眄啓玉齒而安歌歌曰陽阿  
奏兮激楚流望洛水兮有好仇縱輕擢兮汎龍舟將與  
逸士陟彼華堂憇諸闕館玉宇明華文階燦爛璇題昭  
晰珠簾彪煥身託瑤瑁之筵目寓瓊華之玩且以悅諸  
和性之樂豈非綺麗之觀哉逸士曰居茲四郭寧辨五  
音靡曼不極君子弗欽雖聞贍辭之銳無會野人之心  
君子曰白藏肅殺天高野清玉樹始落金蘂初榮暮鷺  
北反沙鴈南征實秋收之美節將校獵以娛情使櫪無

伏馬卷靡遺行執戈於羊眠之野彎弧於曠浪之陰養  
由輕盼則林推鷙獸蒲且效技則虛下翔禽騰猿蹙其  
足虬虎不擇音掩兔麟鹿既蔑古之烏有填坑滿谷亦  
眇昔之上林至於輕繳纒飛則連鴻解羽微纖始放則  
並鱗失波豈論玄泉之則寧願將遠之歌弭節言旋禽  
不可算周旋眺覽足為京觀子雖山栖其從此玩逸士  
曰解網垂仁殷王美則聞聲不食孔聖淑音害蠢類而  
為樂豈君子之用心

君子曰蓋聞地美養禾君人愛士澤被無垠光照郊鄙  
蒲輪必鄒魯之儒宗紆青必洛陽之才子大漢愧得人  
之盛有周慙以寧之美萬國若翕從一作同四海同使

指刑措弗用囹

理一作

囹斯虛既講禮於太學亦論詩於

石渠代有載戢史無絕書銅律應度玉燭調和黃髮擊  
壤青衿興歌元帥苛士庠序鴻生求禮儀之汲汲行仁  
義之明明隆采椽之義却瑇瑁之榮當朝有仁義之睦  
邊境無煙塵之驚信如四氣明並三光尉萐挺茂堦奠



比芳瑞鹿搗素祥熊耀黃靈禽樂園儀鳳栖堂太平之  
瑞寶鼎樂協之應玉羊丹烏表色玉露呈瀛野絲垂木  
嘉苗貫桑固以德苞子妙道邁虞唐六合寧泰四字咸  
康不煩一戟東甌膜拜詎勞一卒西域獻琛鹿蠶稽顙  
以悛惡樓蘭面縛而革音吾疑皆去鼻飲之穴棄烏熊  
之深固已澤流無外恩被遐方福比嵩岱道則穹蒼豈  
有聞若斯之化而藏其皮冠哉逸士曰鄙人寡識守節  
山隅不聞智士之教將自潛以糜軀請伏道而從命願

開志以滌慮

七勵

梁簡文帝

藏名外臣體道好異遁跡埋影剗心人事任性於蓼水  
之側放心於自得之場情苞六合德貫九方巖栖谷飲  
絕際濠梁於是寂鏡公子聞而往說乃飛車翠蓋翔駕  
絳螭丹旌鳳轉碧幔雲移映玉軼之綺靡照銀車之陸  
離經九橋一作橋之澗阻歷五曲之巔危路入閭風道經  
通谷橋塗泱泱路林蕭肅石磴穹窿松關重複羊腸望

斷邃路迂餘非林稅駕乃遇藏名之所居其居則蘚苔  
沒砌幄葉斜林千峯脊頂萬仞懸深南危碧流北障芳  
林左榮重陸右背高岑煙霞罩日石澗籠陰聲音百籟  
響弄千禽寂鏡公子曰蓋聞智者不懷道沒志遺俗埋  
名迷邦碎寶却粒辭榮今欲說子以默語之術寧欲聞  
乎藏名曰僕雖幽栖遠紆名德寧忘潔已以受至言

公子曰夫怡情託體實寄閒宮跨危樓於杳詣挂日景  
於迎風玩靈華於仙掌度窈窕於飛虹金枝照曜玉璧

玲瓏文窓洞右飛閣陵東桂柱通光雄梁巨日壁鏡鈕  
懸抽荷井出中宿錦筵長廊周密青錢碧影金墀玉律  
冬閨溫煦夏室含霜圖以珍恠畫以禎祥瓊茅秋籬綠  
蕙春香植宜男於粉閣樹君子於椒房迴風煙於璇題  
垂珠璣於玉箱文魚水宿錦鳥雲翔乃登陟遊踐望遠  
通踈擢素藕於石鏡搴蔓草於康衢若荆山之琢玉似  
隋水之弄珠若斯宮之閑麗子能與我而共居外臣曰  
僕遊心蓬葦未暇斯處公子曰夫靚粧嚴服託體必嘉

五絲擅美獨璽稱華組惟繁綵緹服含葩丹墀聚葉鏤  
檻飛花至如稷下縫掖泗上章甫雉緝霜鮮秦絲園縷  
鳳色龍分鴛文鵠聚凋紛瑤席綺飾瓊珮齊都滑石南  
海璫瑁散似綴珠離如並績蜘蛛弄巧越女調樞夏則  
桃笙竹席冬則青莞金鬚温麗瓊臺密華承寢當戶之  
穀大文之錦華蒲萄之綺衾麗芬若之丹枕金蘇翠幄  
玉案象牀子能從我樂此芬芳外臣曰帶索披裘自得  
山性雕章麗服未敢攸同

公子曰五飪調神三芝輔性用康仁壽以弘貞正乃使  
有伊之徒調嘗鼎味九州珍雜八方豐貴名廉天地之  
聲穀竭山海之味蟬鳴秋稻鶯領玉精離紅之膾勺藥  
之美蒙山擅重灌水傳聲桂蠹石瓊龍胎鳳肺四膳八  
珍五肉七菜纍似穀雜切均鮮繪色若紫蘭紛如紅綵  
若乃越梅變實楚醴方添陳晨鳧之美味薦雋鶯之肥  
甜洗以三危之露水調以大夏之香鹽霜薤沸烈露葵  
繁舒芳菰之菜白露之茹澄瓊漿之素色雜金筍之甘

植素醪浮氣鄙醪凝清獻三爵之踰雅等千日之芳醴  
酌玉斗之英麗照銀杯之輕蟻一作此亦天下之美味  
子能從我而享之乎外臣曰藜藿可膳薇蕨堪飡五味  
口爽寧假玉盤

公子曰若夫釣臺之樂葛天之歌飛七盤之妙節動六  
變之清和綠綺麗琴丹山寶瑟鏤器倭雕孤一作枝伶

律奏白雪之楚緩陳亭席之吳疾躍鳥追飛潛魚伴出  
將使漸離擊筑雍門鼓琴鳴統梁之妙響發愁戶一作

之清音至如五陵金穴六郡豪家迷

一作表

流歌於東夏

出秘舞於京華金鈿設

一作沒

翠步搖藏花遙同暮雨逼

似朝霞髮鬢如點纖晉成削玉齒笑容紅粧綽約疾趨

巧步霧袖芬披舒蛾眉之窈窕委弱骨之逶迤戴金翠

之婉嬋珥瑤璫之陸離芬芳於梧

一作吾

春之苑灼爍於

長洲之中于時斜光西委薄霧舒紅隋珠照影羅衣從

風觀者方堤覩者盈淇令二鶯之綴翼使八鶴之增悲

明君為之歛泣西施為之解眉於是蘭闥寂晚曲韻相



和對輕風之落景望明月以清歌歌曰酣醕半兮樂既  
陳長歌促節綺羅人拂鏡弄影情未極迴替轉笑思自  
親此亦聲音之盡妙子能從我而聽之乎外臣曰淫聲  
亂耳未足入聽方追山壑永弄林泉

公子曰夫心遊百代理與六經樞機性道陰陽窅冥昭  
玉牒於年史覽石記而照情若夫鄒枚上客揚馬俊人  
揮金入趙易服歸秦賣舌彈劔買義追仁商權萬古弋  
釣陶甄池中水黑席上稱珍判二氣之氛氲辨六爻之

終始鳥變龍工鳳書雲紀辭弘八索辨崇三耳至如范  
睢折脇豫讓拉齒禮竭中心報深國士碎玉爭城藏圖  
解劍見碣石之金堤望楚都之環塹美陳平之反間揖  
子房之智謀想秦君之傳噐仁漢后之解裘此亦天下  
之奧籍得性之林圃子能同覽悅目以齊此心外臣於  
是色動清顏頰解高意曰僕雖野陋頗悅帶經但負薪  
多疾未甘斯說

公子曰夫氛氳構象純雜不同共工折柱雖播英風自

古而然曾何足道但吹沙役寇抑自犧年吐霧藏妖聞  
之堯日至於今者昌運天啓握歷寶年風猷駕層美道  
德漏重泉至如玄蹄外境紫古頑人悖而無禮不沫皇  
仁於是騰三泉之宵漫戴五旗之飄揚引玉車於西隴  
鳴金鼓於北邙拭龍泉之雄劔瑩魏國之寶刀鋤踰巨  
闕利擬豪胄至如牽鈎壯氣斗膽豪心綠腰白玉帶珮  
黃金酬恩報死尅遠長岑驪裹白鷺耀躍青離五玉察  
善十相無遺連腰錦帶半足塵飛標威於鴈門之境振

旅於龍突之鄉若乃驚沙絕岸苦霧綿長秋河曉碧落  
蕙山黃紅顏素改玄鬢斑霜征夫抵掌而飲膳壯士憤  
氣而沸腸迴雲鳥之密陣背却月而相望旗才轉而漂  
杵鋒未至而驟傷前鋒紛其易幟後騎決其沙囊何湯  
雪之能比豈拾塵之可方於是呼韓頓顙龜茲銜璧羊  
牽既袒熊山已積九截同文八極齊軌帝曰念功班茅  
賜履青紫如拾賞歸詔美此亦天下之壯績子能從我  
而效之乎外臣曰葛伯不祀雖聞湯誥野叟力弱未敢

振衣

公子曰克舜垂拱煥彼前聞今惟聖歷萬代一君壁儀  
照氣玉井珠分德合天地道方華勳滄海碧嶺黃河一作

流黛文愛人育德澤等春雲一作宣尼茂典周姬禮容

黃裳進士清襟俊童邦知改俗國化移風賣藥無藏名  
之老河泗無洗耳之翁德星夜映慶雲晝色異草雙條  
靈禽比翼孤尾既九茅脊復三金船漾寶銀甕呈甘康  
歌壤笑悅禮樞談隆周謝德盛漢知慙慈照無疑生化

湛靈覺散滿弘淳拯澆敦朴國被仁壽家欣無學三明  
鑒道六度弘風出塵照苦入冥觀空善識無盡因性必

通天不愛寶地無隱瑞百神受職三苗奉義石策一作紫

紫泥繩金玉刺或託諷梁甫權卧德而龍盤或織箔渭


濱耻藏名而鳳跂於是露點飴密溜泓澄於玉掌雲垂

五采覆旖旎於仙樓漾醴泉於浪井拂垂楊於御溝或

聯七葉一姓五侯外臣於是觀色內動神貌外移忽正

山中而言曰蓋聞幽居獨善見機徃聖儻不遺朦叟亦

願順來命



文苑英華卷三百五十一